



Wisconsin BadgerCare Fact Sheet

BadgerCare

Health Care Coverage for Working Families

Kev Pab Them Nqi Kho Mob rau Tsev Neeg Ua Hauj Lwm

BadgerCare Yog Dab Tsi?

BadgerCare yog ib qho kev pab hauv Medicaid uas pab them nqi kho mob rau tsev neeg uas muaj me nyuam uas ua hauj lwm tau nyiaj tsawg uas tsis muaj kev pab them nqi kho mob lwm qhov los.

Leej Twg Thiaj Li Tsim Nyog rau BadgerCare?

Cov neeg uas tej zaum tsim nyog rau BadgerCare yog:

- Me nyuam muaj hnub nyoog 19 xyoos rov hauv (kev muaj txij nkawm yuav tsis muaj feem xyuam dab tsi txog qhov uas tseem yog me nyuam);
- Niam txiv uas nrog lawv cov me nyuam uas muaj hnub nyoog 18 xyoo rov hauv nyob;
- Cov txij nkawm ntawm niam txiv uas nrog lawv cov me nyuam uas muaj hnub nyoog 19 xyoos rov hauv nyob;
- Tsev neeg uas muaj me nyuam 19 xyoos rov hauv uas tsis tau kev pab them nqi kho mob li 3 hlis dhau los;
- Tsev neeg uas muaj me nyuam muaj hnub nyoog 19 xyoos rov hauv, uas tsis muaj kev pab them nqi kho mob los ntawm chaw ua hauj lwm li ntawm 18 lub hlis dhau los; thiab
- Tsev neeg muaj me nyuam muaj hnub nyoog 19 xyoos rov hauv uas tau nyiaj li los sis tsawg tshaj 185% ntawm tsoom fwv qhov seem rau feem neeg txom nyem ([FPL](#)). Yog tias koj tau txais BadgerCare, koj yuav tau txais mus txog thaum uas koj li nyiaj tshaj 200% ntawm [FPL](#).

Puas Muaj Ib Qho Khoom Ntaus Tau Ua Nyiaj Uas Yuav Txwv Tseg Tias Txog Li Cas Rau BadgerCare Program?

Tsis muaj ib qho khoom ntaus tau ua nyiaj uas yuav txwv tseg tias txog li cas rau BadgerCare.

Yog tias kuv Qhov Chaw Ua Hauj Lwm Muaj Kev Pab Them Nqi Kho Mob, Kuv Puas Tseem Tau BadgerCare?

- Yog tias koj qhov chaw ua hauj lwm them li 80% ntawm koj qhov nqi them txhua hli lawm, koj yuav tsis tsim nyog rau BadgerCare lawm.
- Yog tias muaj lwm qhov chaw pab koj them nqi kho mob lawm, muaj ib lub sij hawm tos li peb-hlis tom qab koj tsis tau txais kev pab ua ntej koj yuav tau txais BadgerCare txuas hos yog tias koj tsis tau txais kev pab vim muaj tej qhov “teeb meem uas tsim nyog.”

Ib cov kev piv txwv txog teeb meem uas tsim nyog yog:

- Poob hauj lwm, tsis yog yus tawm yus,
- Poob hauj lwm vim tias tus neeg ua hauj lwm ua tsis taus lawm,
- Pauv mus rau qhov chaw ua hauj lwm tshiab uas tsis muaj kev pab them nqi kho mob,

BadgerCare

BadgerCare

- Tag ntawm COBRA qhov kev pab,
- Kev pab tag vim txo cov thus ua hauj lwm,
- Tsis muaj kev pab them nqi kho mob rau tag nrho cov neeg ua hauj lwm los ntawm tuam txhab ua hauj lwm.

Kuv Puas Yuav Tau Them Ib Tug Nqi rau Kev Pab Ntawm BadgerCare?

Tsev neeg uas tau nyiaj li los sis ntau tshaj 150% ntawm FPL yuav tsum tau them ib tug nqi txhua hli. Qhov nyiaj ntawv yog 5% ntawm tsev neeg cov nyiaj. Yog tias koj nyob ntawm qhov kev pab uas them ib tug nqi rau kev pab, koj yuav tsum them ib qho nqe ua ntej (co-payment). Koj tsis tas yuav them qhos nqe uas yuav tau them ua ntej rau cov me nyuam muaj 18 xyoo rov hauv los sis koj nyob hauv BadgerCare HMO.

Kuv Puas Yuav Nkag Rau Hauv HMO yog tias Kuv Tau Txais BadgerCare?

Feem ntau ntawm cov tsev neeg tau txais BadgerCare nyob hauv Wisconsin Medicaid yuav tau nkag rau hauv Health Maintenance Organization (HMO) kev tswj hwm. Tiam sis, yog tias koj qhov chaw ua haujlwm muaj kev tuav pov hwm (health insurance) uas tus nqi tsim nyog, BadgerCare yuav pab them qhov nqi txhua hli rau koj tsev neeg.

Kev Pab los sis Kev Yuav Pab Them Rau Hom Kev Pab Dab Tsi Uas BadgerCare Yuav Them?

BadgerCare kev pab yog zoo ib yam li cov kev pab nyob hauv Medicaid cov kev pab. Piv txwv li ib cov kev pab muaj xws li:

- Kev tiv thaiv xws li mus cuag kws kho mob, soj ntsuam me nyuam hauv plab, soj ntsuam mob thiab txhaj tshuaj;
- Kev tus Kev pom kev (nrog rau iav tsom qhov muag)
- Tshuaj uas Kws Kho Mob Sau
- Kev Npaj Lub Neej thiab koom
- Kev pab xyaum hais lus thiab ua kom ib ce muaj zog
- Kev pab cov neeg hlwb khiav tsis zoo
- Twj kho mob
- Kev tu hauv tsev kho mob
- Kev pab kom hnov lus (nrog rau cov looj pob ntseg)
- Chaw soj ntsuam thiab kev xoos fais (x-ray)
- Kev kho hniv
- Kev pab thauj mus los rau cov kev kho mob uas them

Xav Paub Ntxiv:

- Hu rau qhov chaw teb xovtooj rau cov neeg tau txais kev pab ntawm 1-800-362-3002 (Muaj TTY thiab kev pab txhais ntawv.)
- Hu rau koj lub nroog nruab ze/pab pawg los sis caj meem fai pab tsev neeg los sis laj fai W-2 hauv koj lub nroog uas thov kev pab hauv xov tooj, xa ntawv, los sis tim ntsej tim muag.
- Mus xyuas Medicaid/BadgerCare qhov web site ntawm <http://dhfs.wisconsin.gov/badgercare/index.htm>, los sis <http://dhfs.wisconsin.gov/medicaid1/index.htm>.
- Tsoom Fwv Qhov Seem Txog Feem Txom Nyem qhov web site <http://dhfs.wisconsin.gov/medicaid1/fpl/fpl.htm> - Federal Poverty Level Guidelines

Cov moj kab sim hauv daim ntawv qhia no yog qhia kom paub xwb. Xav paub moj kab sim ntxiv txog BadgerCare, thov hu rau koj lub nroog nruab ze/pab pawg los sis caj meem fai pab tsev neeg.

The Department of Health and Family Services (DHFS) yog ib qho chaw ua hauj lwm thiab pab neeg yam tsis xais neeg. Yog tias koj muaj kev ib ce tsis meej xeeb pem thiab xav tau cov moj kab sim no ua lwm hom ntawv, los sis kom txhais ua lwm hom lus, thov hu 1-608-266-3356 (suab) los sis 1-608-266-2555 (TTY). Tag nrho cov kev txhais ntawv yog dawb xwb.

Muaj lus nug txog neeg txoj cai, hu rau 1-608-266-3465 (suab) los sis 1-608-266-2555 (TTY).